

秘藏通玄變化六陰洞微遁甲真經卷下

復三

立壇式用纂六箇長四尺六箇長二尺五寸
六箇長五尺五寸先以五尺五寸者釘在中
央分作六面上以淨布填之可方圓二尺許
次以四尺者又以二尺五寸者釘訖將緋線
攔作六面可方圓六尺第二方圓四尺第三

覆三

方圓二尺第二纂上安旛子十二首自子至
亥象色而繪之隨所屬色如亥子屬水用黑
色次第布之層層之下以淨布或案子各六
面各安木刀一口立在壇下第一安真武印
在壇中圓鏡一面纂安六丁像旗丁丑黃丁

卯青丁巳赤丁未黃丁酉白丁亥黑第二層
上各安六丁位次丁酉位上安小弩一張箭
二枝丁巳位上安小戟一張丁亥位上安劍
一張丁卯位上劍一張餘二位無物又以棗
木板六片繪玉女真相在上於真相下書符
朱書各於本位上如法安置各面照外背向
背凡開啓各於其屬之神前用事尋常設拜
席只在丁亥面前以向北方真武也

壇內祭物

五穀內雜糧六分

香爐六箇

茶六盞

淨布六條
鮮魚六頭
鹿脯六碟

酒六盞

此大會都祭之法如小會逐旬於所當祭

之神祭之用燒錢六分

凡祭時切莫稱呼六丁字乃玉女諱此字也


履三

二

只言二三玉女一年大會止有六箇甲子乃大會也祭餘只是六丁日各於位下祭之且如丁丑日只於丁丑神用物一般餘五位只以香茶祭之遇甲子日大會則如前式同祭開時拆去壇場如祭之第六會則不拆去要

用事也大凡六度各圓備志誠之士以一年祭就乃幸也如六祭畢存留壇場於室內逐日只自出入切忌他人莫令見之為尚一年有大會六日小會三十六次如事多一年祭不敷則祭一大會遇小會不可蹉過反招其咎至祝至祝壇上畫符神象之法及書名號並依法式


丁卯符




丁丑符




丁亥符



丁酉符



丁未符



丁巳符



六陰符 此符用素木板子一寸五分一面書符一面刻玉女名字帶於髮中非梳頭不可取下

丁卯玉女足日之字保中號無極真君



此符書于黃紙上安丁卯玉女位并書一道于牒前用

呪曰

無極之真 足日之身 為吾所請 從吾所行
急急如律令敕


書訖念呪三遍取東方炁吹符上左右手

掐大煞文訣足丁罡履日 藏形云云

丁卯合同符


履三

四



此符念前呪書于丁卯位朱書黃紙同前
符為丸酒服

丁丑玉女炁無上字太和號橫天真君



此符安丁丑玉女位下并書一道于牒前

通用

呪曰

太和至聖 橫越天真 為吾所指 依吾所陳

急急如律令敕

書訖取北方炁吹符上念呪三遍

丁丑合同符




此符與前呪訣氣同仍為丸照前以本位

履三

五

酒服之

丁亥玉女陸明集字廣陽號都府真君




此符朱書黃紙上於丁亥玉女位下及書
一道于牒前用

呪曰

廣陽真君 名字陸明 為吾所指 助吾所行
急急如律令敕


念呪三遍取北方悉入符

丁亥合同符



此符同前書呪訣炁作丸子以本位下酒服之

丁酉玉女救欽靈字正一號亞夫真君




此符朱書黃紙上安於丁酉位上又書一道于牒前取西方炁吹符上

呪曰 合同符

救欽之靈 亞夫大真 爲吾所指 佐吾所行

急急如律令敕

丁酉合同符




卷三

六

此符朱書呪元訣同前為九子用本位酒服之

丁未玉女乘素靈字玄英號無比真君



此符朱書黃紙上安于丁未位前書一道

于牒前用


呪曰

無比真君 名曰素靈 為吾所使 聽吾所陳

急急如律令敕

呪三遍取南方炁入符


丁未合同符



此符朱書呪炁訣同前為九子用本位酒服之

丁巳玉女朱福稱字文廣號高上真君

卷三



此符黃紙朱書安丁巳位下一道牒前用



呪曰

高上之真 名曰福稱 為吾所指 為吾所陳

急急如律令敕
急急如律令敕
急急如律令敕
急急如律令敕

取南方炁吹符上

此符丁巳合同符
丁巳合同符
丁巳合同符
丁巳合同符



呪炁同前為九子用本位酒服

此玉女符凡欲所使依句書召之或於牒或書背後寫其事情用真武印印之背用六丁印印之依前用玉女神呪炁訣召之大獲神

驗矣

書一法用符方二寸一面書符背刊名棗木
此版朱書呪三遍安座上書召之始於勸施

六丁姓名下降符日

丁卯玉女

子丑日

宋鑄文伯

下降

丁丑玉女

寅卯日

梁錡元公


下降

丁亥玉女

巳午日

姚鉞文道

下降



丁酉玉女

申鍬文卿

丁未玉女

朱鈞升通

丁巳玉女

陳鈞廷卿

巽

坎

離

戌亥日

下降

申酉日

下降

辰巳日

下降

真武印

闊二寸四分
長三寸二分

陽印形



陰印形



凡此二印取庚申乙巳甲寅己亥日取棗木

履三

刊陰陽二印左右臂帶之陽印當懸左臂上
陰印當懸右臂上日中使印即以陽印乃至
感君侯之夢祈雨祈晴祈雪一切象天法陽
之事即用此印乃是丁卯丁丑丁亥三玉女
之印也故屬陽也此玉女指揮事意即隨此

轉也皆係陽印用事也凡陰印即懸帶右臂
上夜中使印即取用之乃至求財役鬼祛妖
夜間求禱地下動作入水入幽一切象地法
陰之事即以此陰印印之乃是丁巳丁未丁
酉三位之印故屬陰也此三玉女隨印所使
而轉也并係陰印用事也

祭印法

凡刊就二印訖時却於甲子大會即於北辰
之下設席祝云奉請

魁魁魘魘魘魘真君下降臣今依

太上之法刊造陰陽六陰洞微之印指使玉
女惟願威靈先爲臣悟真證盟次上香左右
執印目觀北斗閉炁取北斗真炁次第至魁
取炁一口吹在印上如此每印各三次取炁
吹之用五色線繫印欄帶在左右手臂上如

履三

九

祭時及用事時并出入一切動作時方帶之
如非時在家不可帶宜安於壇上供養閑暇
不祭時不用事只一日早晨取淨水一盞供
養爲佳不得尋常用祭

如大會之日切不可行房事汗雜葷腥近身

須要時時鼓咽津液灌洗五臟此經如神仙
之深隱萬術之首規天地同根古今並固後
世如有遇者亦乃仙籍有名夙生慶幸實非
易事縱若不行而家財之敬之一切禍事不
敢入門切在至誠莫類他卷宜安清淨之器
貯之無令穢染閑詞非時不得輕翫亦不得
妄起邪心本欲利濟存亡切恐翻成殃譴學
者切要正直宜深思謹慎爲尚至祝至祝法
門變通動作列于下卷

行持符法六丁玉女之印

印之式範闊二寸四分長三寸二分擇木長
生日採棗栢木刊之於甲子庚申之日以印
諸符文祭法但依前法祭之非時不得亂用
急難所以懸掛當以衣遮蓋能脫其禍矣用
絳紅羅錦作袋子盛之不可令雜人見之恐
不靈矣

履三

十

夫行持之法須先設祭然後變通設祭在先
變通在後凡動作感夢求物捕獵主兵馬遣
鬼神祈旱滂登山入水攝盜破魔求官覓仙
求奴覓婢迎藏君子退逐小人萬種所為各

有符法至誠鄭重勿易輕心俯地仰天當於
正用非特安邦助國亦能護道養身稍若行
邪罪干九族誠在專督頂戴二三玉女者凡
於庚申乙巳甲寅己亥取棗木心四方面各
刻二三玉女名號符焉用五色絲囊袋之安
頂心非梳頭時不可解

凡書符式

凡書一切符命俱用朱書無朱京墨亦可逐
時須向旬中三位上設拜行事餘神助之一

切須向符邊寫旬中三卜神名號即五六七

用真武印朱印之合是陰陽印虛印再印之
 陽事用左臂陽印陰事用右臂陰印尋常吞
 服符但是用符一一如此為之切宜專謹不
 可悞為也動作變通神應符備列于後

感夢符六道

履三


第一道感帝王之夢符法

真命	帝王	太上
日玉女	日玉女	日玉女

此符感通至尊之夢但六度祭畢玉女自

然現身不須燒符玉女自執去行此符時
遣當旬玉女餘神助之早起朱書此符却
於側邊書當旬玉女真若名字上用真武
印印之次以陽印虛印一下次書開禁戶
符

第二開禁戶符



此是開禁戶符亦依前法書及神名用真

武印及陰陽印撻之右二符一處手執於
當旬三卜玉女前祝曰吾今欲求某事隨
意言之遣神持此二符直達

帝前開皇庭禁戶夢中奏帝云某州某縣
某人名字年已行持大教為帝安國帝當

善護毋令見害或求官或別用事隨意告
之如此咨聞了用清酒金錢一分連符香
茶燈菓供養在當旬玉女真君之前至夜
二更即念當旬三卜神呪三遍見在前神
名下取紙一時燒化口中言急去急應不

可遲滯便吹滅燈收茶更自坐至三更盡
方睡不經旬日必有報應帝君必受神人
所資之事決無違也乃至求官所為一司
凡欲感五音人夢符法並同前訣造之發
遣只不用開禁戶符蓋須用也凡是官員

履三

十二

僧道各依五音用之

感五音人夢神符五道

宮 音



商 音




角 音



徵

音



羽

音



音



此符感五音姓人夢並用前法書之發遣
不可用禁戶符並庶人不見須用也不問

官員士庶僧尼道流各依音姓書用之無
不感應

祈求旱澇符法

凡欲祈雨祈晴祈雪春夏秋冬各有神之所

主

春太和真君太玄真君太泯真君

夏少一真君少微真君少明真君

秋太無真君太全真君太宮真君

冬少固真君少真君少靈真君

春祭於乾亥之方即旺氣之方

履三

三

夏祭於艮寅之地

秋祭於巽巳之方

冬祭於坤申之地凡祭祈求方蓋長生之地

也

三真祈求召符三道

右符三道依時換神君之名書之於側於
 當旬玉女前祝云吾見人間缺少雨水民
 庶失業吾今遣神持達某三位真君來日
 當至吾壇某方之地受吾咨禱如春夏秋
 冬則改青錢一分奉送雲程急速急速燒



紙并符於乾亥之地此春祭太和太玄太
泯三真君地也如夏秋冬各請真君各隨
其地設三位用香燈酒果供養了上香拜
拜叩齒至誠祝曰臣聞蒼天杳冥浩蕩玄
真臣雖愚昧性合上清今民失業求渴望

膏霖求顯望晴暉臣行是法祈禱恣禱玄

真受臣微祭願鑒臣心執臣之符符為臣奏

聞皇天垂鑒願賜甘霖臣所奏懇用祕符

文伏惟真慈俯垂聰聽青錢三分用送雲

程佇望感通即時來應燒紙連符收座

禱雨符



祈晴符





履三

十四



此符並用五重封角下印依前作用此係
奏玉皇上帝符也不可輕易

素王 求靈符



同前祈禱法

呼風符




若欲呼風雲春夏秋冬各有所主春東夏

南秋西冬北告玉女燒符大呼大至小呼


小至

通仙符




凡欲作此法欲到某處朱書一道告玉女一道手中執之閉目藏睛即刻到也

延壽符



此符能令人延壽長眾人愛敬

凡欲如意符為陸某或去書一箇告玉女




凡有所愛用真武印印之安在在處告玉女其物自至如其意

枕中符




此符朱書安枕中邪魔自消進君子遠小人
神仙欲至預有夢兆

令人飯向符




若令人向者朱書二道一道告玉女一道




繫膺一道含口中求告版順

令人愛敬符




朱書告玉女并書其人姓名年甲所屬星辰於其符下其人自愛念

覓酒符



覓食符




凡欲覓酒覓食於當旬玉女前書三道燒於神前酒食人送至

覓奴符 黃紙朱書




凡欲求奴及婢預書於當旬玉女焚之奴婢自來感應非常

覓婢符




召相知符




此符欲召相知人先書符次書某人姓名於符上祝當旬玉女云吾欲一見其人來

旺利符



朱書告玉女帶之凡百旺利萬倍若人欲置財寶朱書桃板懸門下則商賈自來財利旺矣

入水符





欲作此符先告玉女了未書二道用印印

之貼在左右脚心行水上如平

入海符



此符先告玉女投於海中當有龍神擁護
 波浪自息要船住即住要行即行即應矣
 行兵甲符三道



此三道符用行兵法至誠朱書先遣玉女
 持此三符達知彼禁吏又篆三道埋於征
 戰之地更領吏兵出軍自帶三道尤好

隱遁潛形入軍圍中符




凡欲入軍行事書此符六道告玉女畢吞

三道頂一道左右手各持一道禹步入陣
走入軍中諸軍皆不見

役使鬼神符三道

第一道



凡欲役使鬼兵先篆此符於當旬玉女前
祝云吾今為某處有某事意欲下手修持
隨意所請神當為吾傳符速至五道將軍

速於某日撥發幾許戈戟鎗棒弓弩一一
齊整來吾左右指揮用事臨時須當了畢
如不依吾之令吾即斬鬼殺神莫言不告
急速急速燒符了便去

第二道

履三

十九



此符依前至誠朱書禹步至門前向五道
將軍云汝等領二三玉女并鬼部吏兵即


時齊往某處修造某事須當獲時了畢不
許遷延如或因循斬汝之首用工之後各
有錢酒謝汝勤勞急急如律令燒符又行

第三道



若欲作此法當至告玉女篆符令人持往
作事處或前後釘亦可用印事畢燒錢謝
之神應莫測妙之妙矣

攝神符



凡作此法用真武印印告玉女燒一道勅

當界土地問此間有甚怪焉

追魂符

散形



破貪至



魁至



天有三奇

地有三奇

人有三奇

聚形



此法用厭惡人及官司等事凡作法先書


彼人姓名年月日時并事意於符下用雞

卵一箇亂頭髮一縛符打碎雞卵拌符入

合子中作法埋於鬼門上不解不止其人

昏晦如醉秘秘秘不可妄用

收寇符



凡欲捉賊先告玉女燒香書符五道埋於

五路其賊即獲

伏虎符亦曰斬虎符



若居山中朱書此符告玉女貼於山上其

續三

三十一

虎自來在符下受降或投虎所自至受誅

降龍符亦曰斬龍符



凡作此法於發洪處投之其龍自死出水

面上

狩獵符



狩獵依前書符告神方去更書帶之自然

得獲

集怪符



呼蛇引怪集鳥歸魚並用此符二道告玉

女燒一道手中執一道口中含一道輕輕
喚何物即至欲遣之即燒手中符于門外
行路借鬼兵符



若行路往來欲借鬼兵凡所到處書符一
道要鬼吏多少扶持到某處交易即時發
回

填破缺符



凡有破缺溪澗告玉女朱書二道一道告
玉女一道埋當處自然填滿復元取符燒
之

生產符



復三

二十二

救生產符書四道一道與玉女燒三道付
請符人去淨水調與產婦吞下男左女右
執符出死胎頂符出橫生者骨軟而生

治枉死鬼符



若有枉死投河自縊投井卒死者急書此符於左右書當旬玉女名告當旬玉女曰今有某人某事卒亡吾以此符救之神與急去用心救治符到奉行追攝鬼鬼付患人身即時取活速以此符安入口中頂上用艾灸之三炷即活

收鬼符

破鬼

朱書召玉女或埋或釘或貼鬼自滅亡矣

治萬病符三道

凡欲遣此符治病右三道治一切患上香

告當旬玉女曰吾今治某人病神請用力

隨符救治符到奉行遣鬼退邪速為安復
仍寫玉女名於符上降真香吞即瘥

治瘟司神符




價三

二十三

此符朱書之黃紙上先一日書一道依法
作用於當旬玉女前為吾持符至某處某
人家司命禁忌官屬等神吾來日至此治
瘟殺鬼疾速攝神廟當處等神伺候施行
速去速去焚之


治瘟疫鬼符



此符用紙一片闊五寸長七寸令病人花
押就上書符蓋了病人花押此符使六神


司命

又治瘟符



令人寫花字書符背上治瘟鬼

治瘟疫病者服符




此符以降香湯下先書白玉女治瘟疫收
攝病源保佑安泰

卷三

二十四

治病不拘遠近取驗符



此符治病人黃紙朱書一道用真武印印
之先告雷旬玉女焚看病者是何病疾無

不痊瘥若病人在三五里之外想病人處
告玉女書符用印燒吹符向方而去或千
里之外祝其病之所在無不驗矣

治病法

謹請甲子旬丁卯神甲戌旬丁丑神甲申旬
丁亥神甲午旬丁酉神甲辰旬丁未神甲寅
旬丁巳神前去療病某人身中某疾病請為
解灾釋難驅除禍祟急還病人寃鬼立即取
効符到奉行不得遲緩急急如上清律令

指揮即了便往救治立即除愈

治病六符 符上玉女真形平身
若治病不用印頭

 字保中

 字太和

 字廣陽

 字正文

 字玄英

 字文廣

勅符呪

九天勅下日月星符左勅青龍右勅白虎前

勅朱雀後勅玄武四十萬人辟除不祥符到

之處永享利貞萬邪入地惡鬼藏形急急如
律令

治病擲座法

如有薄福之人使神不應者亦同遲緩即當書旬
中符呪之擲於神座其神自速至假如甲子

旬書卯符他倣此

呪曰

謹請甲子旬丁卯神前去某處幹事救人其
事宜速不得有違

呪符訖擲著丁卯神座前即住乃至千里

之間立有報應問諸吉凶之事乃與人說
欲縛鬼神但捻手中鬼目其鬼即死若惡
人要來書惡人姓名吞之捻人目即自來
也

召六丁擲座符

山山
一一五一一
化
三三

凡書符下筆存思玉女畢如斷銅截鐵先
點二十八點象二十八宿念星點之四點
象四時八遍念呪象一年八節凡點下不

得再點如得此符似三五將軍六丁神將
力士天丁千金不受永為身寶祕之祕之
其靈萬法之最也

薦拔亡人冥府符



此符是薦九幽七祖入幽冥地府之符亦
薦衆亡人先篆三道玉女之前告之曰吾
有九玄七祖滅亡未知所在或曰吾有亡
者某人滅亡以來未知所在神持此

符直至地獄幽嶽召官吏問之吾亡過某
人即時赦放急速急速言訖焚之其亡者
見現矣

右件諸符一一朱書無朱京墨亦可以印印
之凡有作事書符一道左右書當旬玉女名

卷三

二十六

至誠啓告所懇事宜自大會祭後不須一一
結壇只是香茶酒果焚香告白志心禱祝玉
女自然現本相也符亦不須燒自然去也靈
異無窮法子得之以爲至寶敬之則九族受
慶福祿榮昌亦可登仙證道慢之則六親致

殃禍患來至亦以沉幽作鬼可不慎歟念茲
在茲勿生雜念若夢中往返身形或婦女身
邊坐卧即是玉女降現自此其法漸漸如意
如六神日久出入現影現形或耳報或在眼
前則法子夙緣至矣不必演遁但隨心啓告
便行便報得此者實乃宿生有仙之名分矣
以致今日得此道矣此上至

履三

玉皇宮闕下至地府冥司一切所爲無不感
通萬金不傳古人云寧與人千金不可與人
六甲之陰也

祕藏通玄變化六陰洞微遁甲真經卷下



